



## **Forum Ecclesiasticum**

In Quo Jus Canonicum Universum, Librorum Ac Titulorum Ordine Per  
Quæstiones Et Responsa, Tam Canonistarum Veterum & Recentiorum,  
quàm Legistarum, in iis, quæ Utrique Juri, Canonico Et Civili Communia  
Sunt, Authoritate stabilita, Methodo clara & facili explanantur

**Leuren, Peter**

**Moguntiae, 1720**

Titulus XVI. De Matrimonio contracto contra interdictum Ecclesiæ.

---

[urn:nbn:de:hbz:466:1-73973](#)

4. Resp. quartò: Dissoluto matrimonio ob viri impotentiam in genere absque expressione causa specialis ( quod facere Judex non debet , ut Castrop. l. c. n. 4. ) si vir ineat aliud matrimonium, statim separandus est, upote absolutè judicatus impotens. Mulier verò , si alteri nubat , separari non debet , priusquam investigetur causa impotentiae , ob quam prius matrimonium dissolutum , nimur dum causa hæc in sententia dissolutionis expressa non est , ex actis prioris processus , & ex causis , quæ testes & matronæ reddiderunt , stat siquidem possessio pro secundo illo coniugio. Sanch. l. 7. d. 99. àn. 27. Gutt. c. 115. n. 9. Pone. l. 7. c. 64. n. 4. Castrop. n. 4.

5. Resp. quintò: Conjuges redditæ ad prius coniugium , posteriore dissoluto ob errorem deprehensum , si intra triennium habere non potuerint copulam , omnino separari debent , & ad secundum coniugium reddendi ; quia convincitur , fuisse impotentiam respectivam quod ad prius matrimonium. Sauch. n. 34. Castrop. n. 6. Si autem interea , quo restaurandum prius matrimonium , alter sit professus , nulla facienda restitutio ; cum per professionem dissolutum matrimonium prius datum tantum. Secus est , si transiit ad SS. Ordines , reddendus enim tunc efflet uxori id petenti ; cum per sacram ordinem non dissolvatur matrimonium. Sanch. n. 39. Condux verò ante hanc professionem ad secundum matrimonium transiens separanda ; quia nulliter contraxit. Sanch. Castrop. ll. cit.

*Quæst. 257. An & qualiter sententia lata pro dissolutione matrimonii transeat in rem judicatam.*

1. Esp. primò: Sententia lata in causa dissolutionis matrimonii ( intellige , non tantum ob impedimentum impotentiae , sed etiam propter quodcumque aliud seu aliam causam ) quantumcumque confirmata , vel etiam elapsus terminus ad appellandum , non transit in rem judicatam , sed retractanda , quoties compertum , ex errore processum esse. Covar. 4. decret. 2. part. c. 8. §. 12. n. 12. Sanch. l. 7. d. 100. àn. 1. Castrop. cit. §. 12. n. 7.

juxta quod deciditur c. lator. c. consanguinei. c. tenor. de sent. & re judicat. c. fraternitatis. b. t. Quin & Judicem ex officio etiam invita parte teneri ad hujusmodi retractionem , cum illius sit peccata auferre & inconvenientia ( qualia sunt matrimonium validum iuritum declarare , & vi hujus declaratiois conjuges revera non liberos reputare se liberos) evitare , docent Cardin. in c. lator. n. unic. Sanch. n. 3. Castrop. n. 7.

2. Resp. secundò: Tametsi non transeat in rem judicatam , ut non possit per viam querelæ contra eam allegari. Covar. Sanch. ll. cit. Castrop. n. 8. Suscipit tamen autoritatem rei judicatæ , ne per appellationem possit corrigi aut impugnari , quin allegans contra ipsam suam impugnationis causam veritatem proponat , quam Judex prius summarie non citato adversario cognoscere debet , & eā apparente verisimili , audiendus allegans , alias repellendus. AA. idem. Porro querela nova audiri debet novo proposito libello , cum secundum priorem instantiam sententia transferit in rem judicatam , juxta c. ex literis. de in integ. ref. Proponenda autem querela coram eo Justice , qui adiuri potest per simplicem querelam , qui est ipse , coram quo prius causa matrimonialis acta fuit , aut agi poterat. AA. idem.

3. Resp. tertio: Dicta sententia transit in rem judicatam quo ad expensas , in quas succumbens condemnatus fuit ; quia ex firmitate hujus condemnationis nullum foyetur peccatum , quæ est ratio retractandi sententiam circa nullitatem matrimonii. Ita AA. citati. Ex quo etiam generaliter infert Castrop. quod quoties observata sententia ex consentu utriusque conjugis peccatum cessat ( ut contingit , cum iis movetur lis circa valorem matrimonii ob impedimentum metus vel conditionis servilis ignorante ) & hic , qui impedimentum allegavit , succumbit ; quia pronuntiatâ sententiâ pro valore matrimonii legitimo tempore non appellavit , aut appellationem non est prosecutus ; non potest contra latam sententiam insurgere ; quia in hujus observatione nullum est peccatum.

## TITULUS XVI.

### De matrimonio contracto contra interdictum Ecclesie.

*Quæst. 258. Quid hic intelligatur per vetitum seu interdictum Ecclesie , quam vim habeat , & quam obligationem pariat.*

1. Esp. ad primum primò: Non venire hic nomine hujus impedimenti interdictum Ecclesie generaliter seu latè sumptum , prout significat prohibitionem à SS. Canonibus factam , seu etiam prohibitionem quilibet ecclesiastici matrimonii , sive enim comprehendit impedimenta omnia etiam dirimentia ( quale non est hoc ) sed sumptum strictè seu specialiter pro prohibitione hie & nunc specialiter facta à superiori ecclesiastico ob causam legitimam interdicente matrimonium celebrare ad tempus , donec melius , dum forte obicitur impedimentum , de habilitate contrahendum , cognoscatur , vel caveatur de scandalo inde nato , vel nascituro. Pro ut de hoc impedimento agitur c. sin. §. cum autem , de clandest.

deffpn. ubi Parochis præcipitur , ut , cum apparuerit probabilis conjectura contra copulam contrahendam contraria , interdicatur expressè , donec , quid fieri debeat super eo , manifestis constituerit documentis. Unde etiam patet , hoc impedimento esse distinctum ab impedimentoo feriarum ( de quo qu. seq. ) quo non matrimonium , sed tantum ejus solemnitas interdicitur. Neque etiam venire interdictum ecclesiasticum , quod est censura & pena ecclesiastica , quæ quis à perceptione quorundam Sacramentorum à divinis officiis & sepultura ecclesiastica arcetur , cui interdicto subiectus cum alio , vel non , vel pariter interdicto , vel etiam loco interdicto , tametsi contrahat validè , secundum omnes , licet tamen contrahere negant Suar. d. 33. de censuris. f. 1. n. 5. Pone. l. 6. de matr. c. 9. n. 4. eo quod matrimonium non sit inter Sacra menta , quorum perceptio tempore vel loco interdicto permittitur. Affirmant è contra Covar. in c. alma mater. p. 2. §. 2. 7. Abb. in c. non est. sponsal. Sanch. l. 7. d. 8. per tot. Henr. L. 13. a. 45. & alii.

alii, quos sequitur Krimmer. n. 1343. ait tamen Castrop. tr. 29. d. 5. p. 4. §. 1. n. 28. tempore interdicti fieri posse benedictiones; quia pertinent ad ordinis exercitium, & divinorum officium; estque ratio, quod quando ob interdictum quorundam sacramentorum perceptio & officia divina prohibentur, de iis Sacramentis non exceptis intelligitur, quorum ministerio propriè actus principaliter est spiritualis, & quidem ministri ecclesiastici ad hoc specialiter à Christo destinati; non autem, quando præcipua actio est potius merè civilis, & solum accessoriæ sacramentalis, ut contingit in matrimonio consilence principaliter in contractu civili à Christo gratiosè assumpto ad rationem Sacramenti, cuius ministri sunt solum contrahentes, nulla deputatione Christi aut Ecclesiae functionem suam peragentes.

2. Resp. ad primum secundo: Tale interdictum procedere potest non tantum à Papa, Episcopo & episcopalem jurisdictionem habente, sed etiam à parrocho. Nav. c. 22. n. 68. Sanch. l. 7. d. 6. n. 6. Ponc. l. 6. c. 7. n. 2. Castrop. l. c. p. 2. §. 1. n. 1. pro ut constat ex c. fin. de cland. despōn. ubi parochis præcipitur, ut tale interdictum interponant, ubi probabilis conjectura de impedimento apparuit, in quo tamen casu licet parochi inhibere possint matrimonium, non tamen de eo impedimento cognoscere possunt. Laym. l. 5. rr. 10. p. 4. c. 15. n. 1. cum transactio caularum matrimonialium pertineat ad Judicem ecclesiasticum, qui est Episcopus ejusve Vicarius summis Prælatibus exemptus, vel etiam delegatus juxta c. acceditibus de excess. Præl. & c. 1. de consanguin. & affin. junctâ Gl. v. potestatem. & Abb. ibid. n. 12.

3. Resp. ad secundum: Vt hujus interdicti à Parrocho vel Episcopo lati matrimonium non irritatur, sed nec irritari potest; cum ii impedimentum dirimens matrimonio contrahendo statuere nequeant. Unde dum in pluribus textibus præcipitur separatio matrimonii, si contractum contra interdictum Ecclesiae, non intelligitur de solutione vinculi, sed solum de separatione quo ad cohabitationem, ut patet ex c. fin. Pari modo intelligendum, dum quandoque dicitur tale matrimonium irritandum, nempe de irritatione seu suspensione temporanea, vel si debeat intelligi de irritatione perpetua; id locum habet, ubi causa prohibendi est perpetua & probata, nempe impedimentum dirimens, quod denunciatur. Sed & factum interdictum ab ipso Papa solum impedit, non dirimit matrimonium. c. 1. & 2. b. t. contrarium tamen sentire videtur Zypaenus in consult. can. ad h. t. consult. t. item Sanch. l. 7. d. 1. n. 9. qui tamen de hoc ibi nihil, & d. 2. à n. 3. sentit exp̄sē contrarium, & refert Gonz. ad c. 3. b. t. num. 2. nisi forte adjunctam haberet clausulam irritantem, uti habere potest; cum Papa potestatem habeat ad justam causam inhabilitandi personam singularem ad matrimonium hic & nunc contrahendum, Castrop. l. c. n. 2. Ponc. n. 5. Arg. c. ad dissolvendum. de spons. impub. & c. tua fraternitatis. de sponsa duor. Circa quod postremum notat Krimmer. an. 1339. ex Sanch. l. 7. d. 2. n. 11. Clausulam illam irritantem, quæ apponitur prohibitioni matrimonii celebrandi, vel esse solum generalem, quæ se non referat specificiter ad matrimonium (uti fieret, si Papa prohiberet matrimonium dicendo: si quid gestum contra sit, fore irritum & inane) & in hoc casu matrimonium non fore irritum; velesse specificam, si nimis se referat specificè ad matrimonium dicendo expressè, matrimonium gestum contra prohibitio nem fore irritum: & tunc revera esse irritum. Rationem etiam hujus distinctionis dat: quod matri-

monium sit res ardua & gravissimum negotium, illud irritare exigit clausulam specificam; & clausula illa generalis sufficienter fortioratur suum effectum dicendo: quod factum contra interdictum, non valeat in præjudicium alicuius; vide de hac distinctione Wieltn. b. t. an. 5. Item quod adhuc dupliciter clausula irritans illa referre possit ad matrimonium, pro ut causa interdicti est temporalis vel perpetua; & in priore casu, dum nimis causa non est nisi temporalis, adhuc per talem clausulam non irritari matrimonium, sed solum suspendi, saltem si ab inferiori Papâ adjecta.

4. Resp. ad tertium: Interdictum hoc (intellige, etiam latum à parrocho) nisi manifestè injustum videatur (quod nunquam præsumendum est) inducit obligationem sub mortalib; quia materia est gravis, ut colligitur ex c. 1. b. t. ubi transgressores hujus prohibitionis seu interdicti in poenam ad tempus arbitrio Judicis designandum separantur, quæ pena, cum sit gravis, indicat culpam gravem. Sanch. l. 7. d. 15. n. 4. Ponc. l. 6. c. 7. n. 8. Cönnick. d. 30. du. 3. ad inst. Castrop. l. c. §. 1. n. 1. Potest nihilominus quandoque esse haec obligatio non nisi sub veniali. Castrop. Sanch. Ponc. ll. cit. V. G. si in venerationem alicuius festi prohibitio matrimonii fiat pro illo die; cum non videatur graviter laeti festi venerationi matrimonio eo die festo celebrato.

*Quæst. 259. Quod importet impedimentum tempus feriarum.*

1. Resp. primò: Tempus hoc feriatum seu feriarum jure novo Trid. sess. 24. de mat. c. 10. est ab Adventu Domini usque ad diem Epiphaniae, & à feria quarta Cinerum usque ad octavam Paschæ; jure vetere quoque erat à septuagesima ad octavam Paschæ, & à diebus rogationum usque ad octavam Pentecostes. Incipit hoc tempus ad minimum à media nocte Dominica prima Adventus (quamvis Sanch. l. 7. d. 7. n. 2. satis probabiliter putet incipiērē à primis vesperis Sabbathi præcedentis primam Dominicam Adventus, eò quod illo tempore incipiat officium Adventus) & durat usque ad Epiphaniam inclusive. De die cinerum certum est, quod non incipiat, nisi à medio noctis, duret autem ad Octavam Paschæ inclusive. Castrop. l. c. n. 3.

2. Resp. secundò: Prohibetur hoc impedimento, non ut jure antiquo, ipse etiam contractus matrimonialis etiam præmissis denunciationibus, ut expressè Laym. l. c. & in facie Ecclesiae, cum hæc solennitas hodiendum sit de forma substantiali; sed solum nuptiæ solennes solennitate extrinsecā, quæ consistit in benedictione nuptiarum & traductione sponsæ ad templum vel domum sponsi cum pompa signisque aliis lætitiae, convivio publico &c. & licet benedictiones illæ solennes sint aliquid spirituale, prohibentur tamen, ne, ut inquit Castrop. Ecclesia videatur auctoritate sua anfam dare conviviis aliquis festivitatibus, & ad eas concurrere tempore, quo ipsa intendit omnes fideles ad jejunium & orationem excitare. Attendenda tamen in his omnibus ad locorum consuetudinem, vi cuius alicubi plus, alibi minus permittitur quo ad illas solennitates; unde licet secluso scandalo hoc tempore celebrare ibi matrimonium, cum plurim concursum, convivio aliquis signis lætitiae, solasque benedictiones Ecclesiae prohiberi, probabile censet Castrop.

Porrò in hoc præcepto, eti lato in Concilio generali, nempe Trid. dispensare posse jure ordinario Episcopum; quia id reservatum non est, credunt Sotus, in 4. d. 32. q. uniu. a. 3. in fine, Ponc. l. 6. c. 7. n. 1. t.

contrarium censem extra casum urgentis necessitatis, quae tamen vix occurra potest; Sanch. n. 6. Ca-

strop. n. 5. eò quòd id generale sit, non posse inferiorem in lege superioris dispensare.

## TITULUS XVII.

### Qui filii sint legitimi.

*Quæst. 260. Qui veniant nomine filiorum & quotuplicis generis sint.*

1. **R**Esp. ad primum: Nomen filii, quamvis in singulari numero prolatum ex sua institutione & usu communis problem solū masculam denotet, & ad feminam seu filiam vi interpretationis extendatur; arg. *L. Herennius. & L. justa. ff. de V. S.* Expressum tam in plurali numero communi usū utriusque sexū liberos comprehendit. arg. *hujus rub. & L. quisquis. ff. de V. S. Barbol. b. t. n. II.*

2. Relp. ad secundum: Filii seu utriusque sexū liberi alii sunt legitimi; iique vel legitimi tantum; qui cùm per naturam non sint filii, beneficio tamen adoptionis vel arrogationis à legibus approbat in numero liberorum censentur. §. 1. *Instit. & L. 1. ff. de adopt.* Vel legitimi & naturales simul, seu legitimē natī, nimirum ex matrimonio verē aut putativē iusto, hoc est, contracto publicè in facie Ecclesiae nullo contradicente, & bona fide, seu ambobus parentibus (aut latē uno eorum, ut cum Gl. in c. cùm inhibito. de cland. despōs. v. ambo parentes. Abb. in c. ex tenore. b. t. n. 3. Barb. ibid. n. 14.) nullius impedimenti dirimentis ante consummationem matrimonii seu tempore conceptionis sibi consciis (etsi deinde iusta illa ignorantia, apparente nimirum impedimento, cessaverit ante nativitatem) procreati. Tholos. l. 10. Syntag. c. 3. n. 6. Mol. tr. 2. de 7. & 7. d. 165. n. 1.

3. Extenduntur hac, ita ut adhuc legitimi sint primò procreati ex parentibus laborantibus ignorantia impedimenti, dum etiam ea est juris; licet enim ea iuxta l. 9. ff. de juris & facti ignor. non excusat ignorantem, non tamen nocet tertio; ac proinde licet, si eā laborantes consummum matrimonium puniri possint; non tamen impeditre potest, quod minùs proles bona fide cum tali ignorantia concepta sit & censeatur legitima. Passerin. de elect. c. 25. n. 115. quamvis etiam ex speciali iuri dispositione, arg. nimirum. c. cùm inhibito. de cland. despōs. facta in favorem prolium, dicta ignorantia eorum legitimati non obstat. Reiss. b. t. n. 7.

4. Secundò natī ex parentibus, qui exorto & stante horum dubio de valore matrimonii bona fide contrarerunt. Peyer. in pralato. q. 2. c. 5. num. 110. Barb. in c. cùm inter. b. t. n. 18. cùm stante hoc dubio utpote speculativo conjuges commiseri possint, ut Sanch. de mat. l. 2. d. 4. num. 4. & 8. Secus est, si cum tali dubio contrarerunt, non adhibitā diligentia in reprehendenda veritate; quia adesset ignorantia affectata, qua æquivaler scientiæ, arg. *L. ne supina. ff. de jur. & facti ignor. & c. eos de temp. ordin. in 6.* quæque legitimati prolii non faveat. c. fin. de cland. desp.

5. Tertiò natī ex utroque etiam parente constituto in mala fide circa impedimentum aliquod non dirimens. Suar. de censur. d. 50. f. 1. n. 8. Peyer. l. c. n. 107. Sanch. l. 6. d. 38. n. 1. Qualiter tamen natī ex parentibus, qui contrarerunt mala fide sine præmissis denunciationibus non habeantur pro legitimis, non juvante illos ignorantia (quippe que censetur affectata) latentis impedimenti dirimentis,

nempe consanguinitatis & affinitatis, juxta cit. c. cùm inhibito. vide apud Reiffenst. b. t. n. 3. & apud me in foro benef. part. I. 258.

6. Quartò natī stante legitimo matrimonio ex uxore, quam constat esse adulterum; idque, etiam si referant facie adulterum; nisi ex mariti absentiā, infirmitate aliōrum impedimento aut impotentiā temporali, eum tempore conceptionis copulam cum uxore non habuisse probetur. Menoch. de arb. cas. 89. Gutt. qq. can. l. 7. c. 3. n. 3. Barb. in c. per tuas. de probat. n. 3. arg. l. miles. §. defuncto. ff. ad leg. f. ad adult. §. L. filium. ff. de us. qui sui. vel alien. c. causam. b. t. Quin etiā uxor fateatur, partum suum esse adulterinum. Barb. l. c. Abb. ibid. n. 4. Gail. obser. pract. l. 7. obs. 97. n. 8. & hæc, quia praesumptio est pro prole, & nemo uni soli credere in sui prajudicium tenetur. Unde Legistæ filium reputant fatuum, qui credit matri, se esse ex adulterio natum; nisi tamen forte, ut Fagn. in c. officiū. de penit. & remiss. à num. 20. filius ita evidenter à matre informetur, ut prudenter de eo dubitare nequeat.

7. Quintò natī ex matrimonio, quod non erat sacramentum, nempe infidelium seu non baptizatorum; modò tamen ex usū gentis fuerit verum matrimonium, sicut revera est, etiam si ab iis contratum cum impedimento aliā solo jure ecclesiastico (utpote cui subjecti non erant) dirimente, manetque indissolubile, postquam ad fidem conversi. Abb. Jo-And. in c. fin. b. t. Barb. ibid. n. 2. Pirh. b. t. num. 17.

8. Sextò procreati ex legitima uxore post suscepitum à viro Sacrum Ordinem. Suar. l. c. n. 4. Peyer. l. c. n. 112. Majol. de irregul. l. 1. c. 4. n. 9. quin & post sacrum ordinem uxore invitā, matrimonio non consummato. Abb. in c. 2. de convers. conjugat. Sayrus de censur. l. 6. c. 10. num. 40. Passerin. l. c. n. 113. quia in neutro horum casuum ordo facer solvit matrimonium etiam ratum tantum. Barb. in Extravag. antiqua. n. 10. cum communi. Secus est de natis ex altertro conjugum post matrimonium ratum tantum professo; cùm per professionem solvatur matrimonium, juxta Trident. ff. 24. c. 6. de matr. Majol. l. c. n. 4. Sayr. l. c. An verò idem dicendum de natis ex legitima uxore, postquam vir & uxor consummato matrimonio professi sunt in religione, non convenit inter AA, dum Host. in sum. de filii presbyt. n. 5. Sylv. v. illegitimus. & alii volunt esse simpliciter illegitimos; alii illegitimos, addendo vel subintelligendo naturales, seu illegitimos canonice, seu Jure canonico; alii esse simpliciter legitimos; quia non arcentur à succedendo in bonis patentum, nec ullibi dicuntur inhabiles ad honores; alii, ut Abb. in c. ad literas. de fil. presbyt. Sanch. l. c. d. 38. n. 7. Passerm. l. c. n. 186. illegitimos ad instar seu secundum quid, eo quòd irregulares sint & promoveti nequeant ad ordines & beneficia, æquè ac simpliciter irregulares. Vide me in foro benef. part. I. q. 259.

9. Septimò prolegitimis habendi expositiū, quorum parentes ignorantur secundum sententiam valde probabilem & communiorē, quam sectantur Menoch. de arb. cas. 369. per tot. Pont. de mat.